



Na osnovu člana 2.12. Izbornog zakona Bosne i Hercegovine („Službeni glasnik BiH“, broj: 23/1, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), člana 7. stav 1. (a) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24), člana 1. i 4. Odluke o objavljivanju Javnog oglasa za imenovanje jednog (1) člana Općinske izborne komisije Breza („Službeni glasnik Općine Breza“, broj: 1/25), Općinsko vijeće Breza raspisuje:

**P O N O V N I J A V N I O G L A S
ZA IMENOVANJE 1 (JEDNOG)
ČLANA OPĆINSKE IZBORNE
KOMISIJE BREZA**

I

Objavljuje se Javni oglas za imenovanje 1 (jednog) člana Općinske izborne komisije Breza.

Člana Općinske izborne komisije imenuje Općinsko vijeće Breza na mandatni period od 7 godina, s tim da mu mandat teče od dana davanja saglasnosti Centralne izborne komisije Bosne i Hercegovine na odluku o imenovanju.

II

Kandidat za člana Općinske izborne komisije Breza mora ispunjavati opće uslove propisane članom 2.2. Izbornog zakona Bosne i Hercegovine:

- a) da je lice sa pravom glasa,
- b) da je lice sa odgovarajućom stručnom spremom i iskustvom u provedbi izbora.

III

Pored općih uslova, iz predhodnog člana, kandidat za člana Općinske izborne komisije mora ispunjavati sljedeće posebne uslove:

- a) da ima prebivalište u Općini Breza,
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS,
- c) da posjeduje iskustvo u provođenju izbora.

Pod iskustvom u provođenju izbora podrazumijeva se:

- a) članstvo u izbornoj komisiji,
- b) članstvo u biračkom odboru na izborima za organe vlasti u BiH,
- c) obavljanje dužnosti sekretara izborne komisije,
- d) obavljanje poslova službenika centra za birački spisak,
- e) obavljanje poslova kontrolora izbornih rezultata
- f) obavljanje rukovodnih dužnosti u Glavnom centru za brojanje (direktor i zamjenik direktora),
- g) obavljanje poslova državnog službenika ili zaposlenika u Sekretarijatu Centralne izborne komisije BiH na poslovima koji su vezani za provedbu izbornog procesa u trajanju dužem od jedne godine.

IV

Član Općinske izborne komisije može biti predsjednik ili sudija redovnog suda,

pravobranilac, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2. Izbornog zakona BiH, a nemaju smetnji iz člana 2.3. Izbornog zakona BiH.

V

Sastav Općinske izborne komisije Breza mora biti multietičan i održavati zastupljenost konstitutivnih naroda u Općini, uključujući i ostale, a prema posljednjem popisu stanovništva provedenom na državnom nivou.

Sastav Općinske izborne komisije će u pravilu, odražavati ravnopravnu zastupljenost spolova, u skladu sa Zakonom o ravnopravnosti spolova u Bosni i Hercegovini.

VI

Za člana Općinske izborne komisije u skladu sa članom članom 2.3. i članom 2.12. stav (7) Izbornog zakona BiH i člana 4. stav 2. i 4. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ne može biti imenovana osoba:

- a) koje se ne može kandidovati u smislu odredbi članva 1.6, 1.7 i 1.7.a) Izbornog zakona BiH,
- b) koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
- c) koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH,
- d) koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.
- e) kojem je izrečena kazna za radnju koja predstavlja težu povredu izbornih zakona ili propisa za koju je lično odgovoran, u posljednje četiri godine, računajući od dana pravosnažnosti odluke,
- f) koje je zastupnik odnosno punomoćnik političkog subjekta koji učestvuje na izborima,
- g) koje je pravosnažnom sudskom presudom osuđeno na kaznu zatvora u trajanju od šest mjeseci ili duže,
- h) koje obavlja izvršnu funkciju kako je utvrđeno odredbom člana 1.1a Izbornog zakona BiH,
- i) koje je osuđeno od strane bilo kojeg domaćeg ili međunarodnog suda za zločine genocida, zločine protiv čovječnosti ili ratne zločine.

VII

Uz prijavu na javni oglas, potrebno je dostaviti sljedeću dokumentaciju:

1. Prijavni obrazac sa kontakt podacima podnosioca prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa;
2. Dokaz o stručnoj spremi kandidata - imenovanog člana izborne komisije, odnosno ovjerenu kopiju diplome o stečenoj stručnoj spremi nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju- priznavanje inostranih diploma;
3. Dokaz o izbornom iskustvu kandidata:
 - za člana izborne komisije akt o davanju saglasnosti Centralne izborne komisije BiH na imenovanje ili uvjerenje iz službene evidencije koje mora sadržavati podatke o nazivu izborne komisije i mandatnom periodu;
 - za članstvo u biračkom odboru/timu za otvaranje vreća uvjerenje iz službene evidencije koje mora sadržavati podatke o vrsti i godini izbora i nazivu biračkog mjesta u kojem je imenovani kandidat bio u članstvu biračkog odbora, te podatak da

- je imenovani kandidat bio angažovan u radu biračkog odbora i obavljao ovu dužnost;
- za sekretara izborne komisije, službenika centra za birački spisak, kontrolora izbornih rezultata i dužnosti u Glavnom centru za brojanje akt o postavljenju na navedenu dužnost ili uvjerenje iz službene evidencije nadležnog organa;
4. Obavještenje o prebivalištu-obrazac PBA-3 ili PBA 4 imenovanog člana izborne komisije (ne stariji od tri mjeseca od dana izdavanja od strane nadležnog organa),
 5. Izjavu imenovanog o nacionalnom izjašnjenju;
 6. Izjava da nije obuhvaćen odredbama člana 1.7b, 2.3 i 2.12. stav (7) Izbornog zakona BiH, svojeručno potpisana i ovjerena od nadležnog organa;
 7. Dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama za trening trenera u organizaciji Centralne izborne komisije BiH, ili o dodijeljenom priznanju Centralne izborne komisije BiH, ukoliko je kandidat dodatno bodovan.
- Svi dokumenti koji se dostavljaju uz prijavu na javni oglas moraju biti originalni ili ovjerene fotokopije. Dokumentacija priložena uz prijavu neće biti vraćena kandidatima.

VIII

1. Ovaj oglas će se objaviti u dnevnim novinama „Oslobođenje“, na web stranici Općine Breza i Oglasnoj ploči Općine Breza.
2. Izjave iz stava VII ovog oglasa, pod rednim brojem 5. i 6., kandidati mogu preuzeti u Stručnoj službi Općinskog vijeća.
3. Rok za podnošenje prijava je 8 (osam) dana od dana objave Javnog oglasa u dnevnim novinama „Oslobođenje“.
4. **Lista pitanja za pismeni dio stručnog testiranja sa ponuđenim odgovorima i s tačnim odgovorima objavljena je na internet stranici Centralne izborne komisije Bosne i Hercegovine.**
https://www.izbori.ba/Documents/izbori_2024/06/lista_pitanja_za_intervju_OIK.pdf
5. Prijavu na ovaj javni oglas dostaviti preporučenom poštom ili na protokol Općine Breza u zatvorenoj koverti sa naznakom „**JAVNI OGLAS ZA IMENOVANJE 1 (JEDNOG) ČLANA OPĆINSKE IZBORNE KOMISIJE BREZA — NE OTVARATI**“ na sljedeću adresu:
Općina Breza, Općinsko vijeće, Komisija za izbor i imenovanja (konkursna komisija) ulica Bogumilska broj 1, Breza.

Neblagovremene i nepotpune prijave neće se uzimati u razmatranje.

Broj: 01/1-02-692-1/26
Datum, 06.03.2026. godine

PREDSJEDAVAJUĆI
Općinskog vijeća
Salkić Muamer, s.r